

اتوار یکم نومبر، 2020

مضمون۔ ہمیشہ دی سزا

سنہری متن: 1 اتوار بخ 16 باب 23 آیت

”اے سارے دھرتی دے رہن والیو! خدواند دے اگے گاؤر وزانہ اوہدی مکتی دی بشارت دیو۔“

جوابی پڑھائی: زبور 95:1 توں 6 آیتاں

- 1- آؤ اسی رب دے سامنے نغمہ سرائی کریئے! اپنی چٹان دے سامنے خوشی نال للکاریئے۔
- 2- شکر کردیاں ہوئے اوہدے کول حاضر ہوئیئے۔ زبور گاؤندییاں ہوئے اوہدے اگے خوشی نال للکاریئے۔
- 3- کیوں جے اوہ خدواند وڈھار ب اے۔ تے سارے الہیاں اُتے وڈھا بادشاہ اے۔
- 4- دھرتی دیاں ڈونگیاں اوہدے قبضے وچ نہیں پہاڑاں دیاں چوٹیاں وی اوہدیاں نہیں۔
- 5- سمندر اوہدا اے۔ اوہنے ای اوہنوں بنایا۔ تے اوہدے ہتھال نے خشکی نوں وی تیار کیتا۔
- 6- آؤ اسی جھکیئے تے سجدہ کریئے! تے اپنے خالق رب دے سامنے گٹھے ٹیکئیئے۔

درسی وعظ

بائبل وچوں

1- زبور 1:51 توں 4 آیتاں

- 1- اے رب! اپنی شفقت دے مطابق میرے اُتے رحم کر۔ اپنی رحمت دی کثرت دے مطابق میریاں غلطیاں مٹادے۔
- 2- میری بدی نوں میتھوں دھودے تے میرے پاپ توں مینوں پاک کر۔
- 3- کیوں جے میں اپنیاں غلطیاں نوں من داہاں۔ تے میرا پاپ ہمیشہ میرے سامنے اے۔
- 4- میں بس تیرا ای پاپ کیتا اے۔ تے اوہ کم کیتا جیہڑا تیری نظر وچ بھیسڑا اے۔ تاں جو توں اپنیاں گلاں وچ راست ٹھہریں۔ تے اپنی عدالت وچ بے عیب رہویں۔

2- یوناہ 1 باب 1 توں 4، 10، 12، 15، 17 آیتاں

- 1- خداوند اکلیم یوناہ بن امتی اُتے نازل ہو گیا۔
- 2- پئی اُٹھ اوس وڈھے شہر نینواہ وچ جاتے اوہدے خلاف منادی کر کیوں جے اوہناں دی شرارت میرے سامنے اڑی اے۔
- 3- پر یوناہ خداوند دے کولوں ترسیس ول دوڑ گیتے یا فاه وچ اڑیا تے او تھے اوہنوں ترسیس ول جان والا جہاز ملیا تے اوہ کرایہ دے کے جہاز وچ چڑھیا تاں جو خداوند دے کولوں ترسیس نوں اہل جہاز دے نال جاوے۔
- 4- پر خداوند نے سمندر اُتے بڑی ہنیری گھلی تے سمندر وچ سخت طوفان آیا تے ایہہ ڈر سی پئی جہاز تباہ نہ ہو جائے۔
- 10- فیر اوہ خوفزدہ ہو کے اوہنوں آکھن لگے توں ایہہ کیہ کیتا؟ کیوں جے اوہناں نوں ایہہ پتہ سی پئی اوہ خداوند دے کولوں دوڑیا اے ایس لئی پئی اوہنے آپ اوہناں نوں آکھیا سی۔
- 12- فیر اوہنے اوہناں نوں آکھیا مینوں چک کے سمندر وچ سٹ دیووتے تہاڈے لئی سمندر رُک ہو جاوے گا کیوں جے مینوں پتہ اے پئی ایہہ وڈھا طوفان تہاڈے اُتے میرے پاروں آیا اے۔
- 15- تے اوہناں نے یوناہ نوں چک کے سمندر وچ سٹ دتا تے سمندر داطلاطم نگ گیا۔
- 17- پر خداوند نے اک وڈھی مچھلی مقرر کیتی سی پئی یوناہ نوں نگل جاوے تے یوناہ تِن دِن تِن رات مچھلی دے ٹیڈ وچ رہیا۔

3- یوناہ 2 باب 1، 9 (میں دیواں گا)، 10 آیتاں

1- فیر یوناہ نے مچھلی دے ٹیڈ وچ خداوند اپنے رب کولوں دُعا منگی۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

9- میں اپنیاں نذراں دیواں گا۔ کتنی خداوندولوں اے۔

10- تے خداوند نے مچھلی نوں حکم دتاتے اوہنے یوناہ نوں خشکی تے اگل دتا۔

4- یوناہ 3 باب (توں پہلاں)، 4، 6، 10 آیتاں

3- فیر یوناہ خداوند دے کلام دے مطابق اٹھ کے نینواہ ول گیا۔

4- تے یوناہ شہر وچ وڑھیا تے اک دن دی راہ ٹریا۔ اوہنے منادی کیتی تے آکھیا چالی دناں بعد نینواہ برباد کیتا جاوے گا۔

5- فیر نینواہ دے لوکاں نے خداوند تے ایمان لیا کے روزے دی منادی کیتی تے نکے تے وڈھے ساریاں نے ٹاٹ اوڑھے۔

6- تے ایہہ خبر نینواہ دے بادشاہ تیکر اپڑی تے اوہ اپنے تخت توں اٹھیا تے بادشاہی کپڑے لادتے تے ٹاٹ اوڑھ کے سواہ اُتے بیٹھ گیا۔

10- جدوں خداوند نے اوہناں دی ایہہ حالت ویکھی پئی اوہ اپنی اپنی بُری عادت توں باز آئے تے اوہ اوس عذاب توں جیہڑا اوہنے اوہناں اُتے نازل کرنا سی باز آیا تے اوہنوں نازل نہ کیتا۔

5- یسعیاہ 52 باب 7 توں 10 آیتاں

- 7- اوہدے پیر پہاڑاں تے کنے خوشمنانیں جیہڑا خوشخبری لیاؤند اے تے سلامتی دی دعا کردا اے تے خیریت دی خبر تے مکتی دا اشتہار دیندا اے۔ جیہڑا صیہون نوں آکھدا اے تیرا رب سلطنت کردا اے۔
- 8- اپنے نگہباناں دی آواز سن۔ اوہ اپنی آواز اُچی کر دے نیں۔ اوہ آواز رلا کے گاؤندے نیں۔ کیوں جے جدوں خداوند صیہون نوں موڑ کے لیائے گاتے اوہ اوہنوں آمنے سامنے دیکھن گے۔
- 9- اے یروشلیم دے ویرانیو! خوشی نال لکارو۔ مل کے نغمے گاؤ کیوں جے خداوند نے اپنی قوم نوں دلاسا دتا اوہنے یروشلیم دا فدیہ دتا۔
- 10- خداوند نے پاک بازو نوں ساریاں قوماں دے اگے ننگا کیتا اے تے دھرتی سراسر ساڈے خداوند دی مکتی دیکھے گی۔

6- متی 28 باب 18 آیت (یسوع آیا) بس

18- یسوع آیا۔۔۔

7- لوقا 15 باب 2 توں 10 آیتاں

2- تے فریسی تے فقیہ بڑبڑا کے آکھن لگے ایہہ بندہ پاپیاں نال ملدا تے اوہناں نال کھانا کھاندا اے۔

3- اوہنے اوہناں ایہہ تمثیل آکھی پئی۔

- 4- تہاڑے وچوں کون اجیہا بندہ اے جیدے کول سو بھیدیاں ہوں تے اوہناں وچوں اک گواچ جاوے تے ننانویاں نوں بیابان وچ چھڈ کے اوس گوچی ہوئی نوں جدوں تیکر اوہ مل نہ جاوے لبھدا نہ رہوے؟
- 5- فیر جد مل جاندا اے تے خوش ہو کے اوہنوں موڈھیاں اُتے چک لیندا اے۔
- 6- تے گھر آ کے یاراں تے گوانڈیاں نوں بلاؤندا اے تے آکھدا اے میرے نال خوشی کرو کیوں جے میری گوچی ہوئی بھید مل گئی اے۔
- 7- میں تہانوں آکھدا اں پئی ایسے طراں ننانوے راستبازاں دی بجائے جنساں نوں توبہ دی لوڑ نہیں اک توبہ کرن والے پاپی دے پاروں آسمان اُتے بوہتی خوشی ہووے گی۔
- 8- یا کون اجیہی عورت اے جیدے کول دس درہم ہوں تے اک گواچ جاوے تے اوہ چراغ بال کے گھر وچ جھاڑو نہ دیوے تے جد تیکر مل نہ جاوے کوشش نال اوہنوں لبھدی نہ رہوے؟
- 9- تے جد لبھ جاوے تے اپنیاں سیہلیاں تے گوانڈناں نوں بلا کے نہ آکھے پئی میرے نال خوشی کرو کیوں جے میرا گواچا ہو نیادر ہم لبھ گیا اے۔
- 10- میں تہانوں آکھدا اں پئی اک توبہ کرن والے پاپی دے پاروں رب دیاں فرشتیاں دے سامنے خوشی ہندی اے۔

8- زبور 9:51 توں 17 آیتاں

- 9- میرے پاپاں ولوں منہ پھیر لے۔ تے میریاں ساریاں بدکاریاں مٹا دے۔
- 10- اے رب! میرے اندر پاک دل پیدا کرتے میرے باطن وچ نویں روح پدا۔

- 11- مینوں اپنے سامنیوں کڈھ نہ۔ تے اپنی روح نوں میرے توں وکھ نہ کر۔
- 12- اپنی مکتی دی خوشی مینوں فیر عنایت کرتے مستعد روح نال مینوں سنبھال۔
- 13- فیر میں خطا کاراں نوں تیریاں راہواں سکھاواں گاتے پاپی تیرے ول دھیان کرن گے۔
- 14- اے رب! اے میرے مکتی دین والے رب! مینوں خون دے جرم توں چھڑا۔ تے میری زبان تیری سچائی دا گیت گاوے گی۔
- 15- اے رب! میریاں بلیاں نوں کھول دے تے میرے منہ وچوں تیری ستائش نکلے گی۔
- 16- کیوں جے قربانی وچ تیری خوشی نہیں، نہیں تے میں دے دیندا۔ سوختنی قربانی نال تینوں کوئی خوشی نہیں۔
- 17- شکستہ روح رب دی قربانی اے۔ اے رب توں شکستہ تے خستہ دل نوں حقیر نہ جانیں گا۔

سائنس تے صحت

1- 12:32-13 (تادوسرا)۔

پاپ دی تکلیف توں بچن دا طریقہ پاپ نوں چھڈنا اے۔ ہو ر کوئی راہ نہیں اے۔

2- 5:3-21، 16-29

غلط کم توں شر مندگی اصلاح ول پہلا قدم اے پر ایہہ قدم بوہت آسان اے۔ عقل دے پاروں جیہڑا اگلاتے وڈھا قدم چکن دی لوڑ اے اوہ وفاداری والی آزمائش اے، یعنی اصلاح۔ ایہتھے تیکر ساہنوں حالاتوں دے دباؤ وچ رکھیا جاندا اے۔ آزمائش ساہنوں جرم نوں دوبارہ کرن دی دعوت دیندی اے، تے جو کجھ ہو نیا ہندا اے اوہدے پاروں دکھ تکلیفاں ملدیاں نیں۔ ایہہ ہمیشہ ہووے گا جد تیکر اسی ایہہ نئیں سکھدے پئی انصاف دے قانون وچ کوئی رعایت نئیں اے تے ساہنوں ”گلاگلا“ بھرنا پوے گا۔ جیس پیمانے نال تسی ناپ دے اوہ ”اوہدے نال ای تہاڈے لئی ناپیا جاوے گا“، تے ایہہ بھر جاوے گا تے ”باہر ڈھلے گا۔“

مقدس لوک تے پاپی اپنا پورا اجر پاوندے نیں، پر ہمیشہ ایس جگ وچ ای نئیں۔ مسیح دے پیروکاراں نے اوہدا پیالہ پیتا۔ ناشکری تے تکلیفاں نے اوہنوں اتوں تیکر بھر دتا؛ پر رب، ساڈے دور دے مطابق ساہنوں طاقت دیندیاں ہوئے، فہم تے الفت وچ اپنی محبت دی دولت انڈیلدا اے۔ پاپی ”کسے ہرے زکھ وانگر“ کھلر دے نیں، پر دور اندیش ہندیاں ہوئے زبور دالکھاری اوہناں دی اخیر یعنی دکھاں دے پاروں پاپ دی تباہی ویکھدا اے۔

اک رسول آکھدا اے، پئی رب داپتر (مسیح) ایس لئی آیا کہ ”ابلیس دے کماں نوں مٹائے“، ساہنوں ساڈے الہی نمونے دی پیروی کرنی چاہیدی اے، تے بدی دے سارے کماں بشمول غلطی تے بیماری، نوں نیست

کرن دی کوشش کرنی چاہیدی اے۔ اسی پاپ دے کفارے توں بچ نہیں سکدے۔ کلام آکھدا اے پئی بے اسی مسیح دا انکار کردے آں، ”تے اوہ وی ساڈا انکار کرے گا۔“

الہی محبت انسان دی اصلاح کردی تے اوہدے اُتے حکمرانی کردی اے۔ انسان معافی منگ سکدے نیں پر صرف الہی اصول ای پاپی دی اصلاح کردا اے۔ رب اوس حکمت توں دکھ نہیں جیہڑی اوہ عطا کردا اے۔ جیہڑیاں صلاحیتاں اوہ ساہنوں دیندا اے ساہنوں اوہناں نوں ودھانا چاہیدا اے۔ ساڈے غلط کماں یا داھے کماں لئی معافی پاؤن واسطے اوہنوں پکارنا ایس بیکار مفروضے ول اشارہ کردا اے پئی اسی معافی منگن توں علاوہ کجھ نہیں کرنا تے ایہدے بعد اسی ایس جرم نوں دہران لئی آزاد ہو جاواں گے۔

پاپ دے پاروں تکلیفاں دا وسیلہ بننا، پاپ نوں تباہ کرن دے راہیں اے۔ پاپ وچ ملن والی ہر فرضی تسکین ایہدی سانویں پیڑ توں بوہتی آراستہ ہووے گی، جدوں تیکر پئی مادی حیاتی تے پاپ اُتے یقین نوں تباہ نہیں کر دتا جاندا۔ آسمان یعنی ہستی دی ہم ہنگی اُتے اپڑن لئی ساہنوں الہی اصول دی ہستی نوں سمجھنا پووے گا۔

3- 4-30،22-11:22

”اپنی ملتی لئی کوشش کرو“، ایہہ حیاتی تے پیار دی مانگ اے، کیوں بے ایہتھے تیکر پہنچن لئی رب تہاڈے نال کم کردا اے۔ ”تسی قائم رہو و جدوں تیکر میں نہ آنواں!“ اپنے اجر دی اڈیک کرو، تے ”نیک کم کرن وچ ہمت نہ ہارو۔“ بے تہاڈیاں کوششاں خوف تے ہراس وچ گھریاں نیں، تے تہانوں ایس ویلے کوئی اجر نہیں مل رہیا، پرت کے غلطی ول نہ جاؤ، تے نہ ای ایس دوڑ وچ سست ہو جاؤ۔

جدوں جنگ دادھوواں چھٹ جاندا اے، تسی اوس چنگلیائی نوں جان جاؤ گے جیہڑی تسی کیتی اے، تے تہاڈے حق دے مطابق تہانوں ملے گا۔ رب ساہنوں آزمائش وچوں کڈھن لئی جلد باز نہیں اے، کیوں جے پیار دا مطلب اے پئی تہانوں آزما یاتے پاک کیتا جاوے گا۔

انصاف لئی پاپی نوں اصلاح دی لوڑ اے۔ رحم بس اوہدوں ای قرض دیندا اے جدوں انصاف تصدیق کردا اے۔ بدلہ ناقابل تسخیر ہندا اے۔ اوہ غضب جیہڑا صرف سکون بخشد اے برباد نہیں ہندا، بلکہ جزوی طور تے خوش کردا اے۔ ساہنوں پاپ توں بچاؤن لئی سیان تے محبت اپنیاں بوہت ساریاں قربانیاں دا مطالبہ کر سکدی اے۔ اک قربانی، بھانویں اوہ کئی وی وڈی کیوں نہ ہووے، پاپ دا کفارہ ادا کرن لئی کافی نہیں اے۔

4- 404:10-16، 19-21 اگلا صفحہ

شہوت، بغض تے ہر طراں دی بدی بیمار بندے دے عقیدے نیں، تے تسی ایہناں نوں بس اوہناں بدکار مقصداں نوں مکاؤندے ہوئے تباہ کر سکدے او جنہاں توں ایہہ جمدے نیں۔ جے کسے معاف کیتی ہوئی انسان سیان وچوں بدی تک گئی اے، حانا لکھ ایہدے اثر پلے وی اوس بندے اُتے ہون گے، تے تسی ایس بے ترتیبی نوں مکاؤندے او جیویں رب دی شریعت پوری ہو جاندا اے تے اصلاح جرم نوں مکاؤندے اے۔

صحتمند پاپی سخت ترین پاپی ہندا اے۔

ایہہ احساس پئی پاپ وچ اصل خوشی نہیں اے، کر سچن سائنس دی الہیات دے ساریاں توں اہم نعمتیاں وچوں اک اے۔ پاپ دے ایس نوں تے اصل منظر نوں پاپی دے سامنے لیاؤ، اوہدے اُتے ظاہر کرو پئی پاپ کوئی سکون نہیں دیندا، تے ایہہ علم اوہدی اخلاقی ہمت نوں مضبوط کر دا اے تے بریائی اُتے جت حاصل کرن تے چنگیائی نال محبت کرن دی اوہدی قابلیت نوں ودھا دیندا اے۔

بیمار نوں شفا دینا تے پاپی دی اصطلاح کرنا کر سچن سائنس وچ اک ای گل اے۔ دونوں شفاواں لئی اک ای طریقے دی لوڑ ہندی اے تے دونوں سچائی وچ غیر منکفک نہیں۔ نفرت، حسد بے ایمانی، ڈرتے اجیہیاں دو جیاں شیواں انسان نوں بیمار بناؤندیاں نہیں تے جدوں تیکر ایہہ بدن وچ ذہنی طور تے اپنے آپ نوں چنگا نہیں بناؤند انہ مادی دوائیاں نہ ای سیان مستقل طور تے اوہدی مدد کر سکی اے، تے اینج اوہنوں اوہدے برباد کرن والیاں توں محفوظ رکھدی اے۔ بنیادی غلطی فانی سیان اے۔ نفرت ظالمانہ خواہشاں نوں بھڑکاؤندی اے۔ برے ارادے تے مقاصد کسے وی اجیہے انسان نوں جیہڑا اینج قسم دی جو انمر دی توں اُتے ہووے، اک مصیبت زدہ مایوس انسان بناؤندے نہیں۔

کر سچن سائنس انسان نوں خواہشاں دمالک بنن، شفقت دے نال نفرت نوں اک تعطل وچ روکن، پاکیزگی دے نال شہوت اُتے، خیرات دے نال بدلے اُتے فتح پان تے ایمان داری دے نال فریب اُتے قابو پان دا حکم دیندی اے۔ جے تسی صحت، خوشی تے کامیابی دے خلاف سازشیاں دی اک فوج نہیں لیا ناچاندے تے ایہناں غلطیاں نوں شروع والے مرحلیاں وچ ای ضائع کر دیو۔ ایہہ تہانوں غلطی دے خلاف سچے منصف، ثالثی دے کول لیاون گے۔ منصف تہانوں انصاف تیکر لے جاوے گا، تے اخلاقی قانون دی سزا فانی سیان تے بدن اُتے صادر کیتی جاوے گی۔ اوہدوں تیکر دونواں نوں ہتھکڑی لاء دتی جاوے گی جدوں تیکر دو جی ادا نیگی نہیں ہووے گی، جدوں تیکر رب دے نال تہاڈا اکاؤنٹ برابر نہیں ہووے گا۔ ”بندہ جو کجھ بیچ دا اے

اوہ ای وڈے گا۔“ نیک انسان آخری پاپ اُتے فتح پاوے گا۔ ایہہ پاپ دی لوڑاے پئی ایہہ اپنے آپ نوں برباد کرے۔ لافانی انسان رب، چنگلیائی دی حکمرانی ظاہر کر دالے، جیدے مقابلے پاپ وچ کوئی طاقت نہیں اے۔

5 - 1:339 (دی)۔4

پاپ دی تباہی معافی داللی طریقہ کار اے۔ الہی حیاتی موت نوں تباہ کر دی اے، سچیائی غلطی نوں نیست کر دی اے، تے محبت نفرت نوں نیست کر دی اے۔ تباہ ہوون توں بعد، پاپ نوں معافی دی کسے صورت لوڑ نہیں رہندی۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کرداے، تے اک مسیحی سائنسدان پاپ نوں رد کردیاں ہوئے، سُنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دااے۔ ایس چرچ دے سارے رکن اں نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔